

CONFIDENTIAL

SET A



UNIVERSITI KUALA LUMPUR
Malaysia France Institute

FINAL EXAMINATION
JANUARY 2011 SESSION

SUBJECT CODE : MPW 2113
SUBJECT TITLE : BAHASA KEBANGSAN A
LEVEL : BACHELOR
TIME / DURATION : 9.00 am – 12.00 noon
(3 HOURS)
DATE : 06 MAY 2011

INSTRUCTIONS TO CANDIDATES

1. Please read the instructions given in the question paper CAREFULLY.
2. This question paper is printed on both sides of the paper.
3. Please write your answers on the answer booklet provided.
4. Answer should be written in blue or black ink except for sketching, graphic and illustration.
5. This question paper consists of TWO (2) sections. Section A and B. Answer ONE (1) in section A. For Section B, answer all question.
6. Answer all questions in Bahasa Melayu.

THERE ARE 9 PAGES OF QUESTIONS, EXCLUDING THIS PAGE.

BAHAGIAN A (Jumlah: 40 markah).**ARAHAN:** Jawab SATU soalan.

Sila gunakan buku jawapan yang disediakan.

Tuliskan sebuah karangan mengenai salah satu tajuk berikut. Panjangnya karangan itu hendaklah tidak kurang daripada 400 patah perkataan.

Soalan 1

Kenaikan harga bahan bakar seperti petroleum telah menyebabkan kenaikan harga barang-barangan dan pelbagai perkhidmatan lain. Bincangkan.

(40 markah)

Soalan 2

Kemerosotan nilai-nilai akhlak di kalangan muda-mudi hari ini sudah seting diperkatakan. Pada pandangan anda, apakah yang mungkin dilakukan bagi membaiki keadaan ini.

(40 markah)

Soalan 3

"erti sebuah pengorbanan".

(40 markah)

Soalan 4

"Sebuah kereta besar menjalar masuk ke laman rumah pak Raman. Pak Raman segera bergegas ke pintu apabila terdengar deruman enjin kenderaan. Namun apabila matanya terpaku ke arah kenderaan itu dia tersentak. ..."

Sila selesaikan cereka ini mengikut kreativiti anda.

(40 markah)

BAHAGIAN B (Jumlah: 60 MARKAH).**ARAHAN:** Jawab SEMUA soalan.

Sila gunakan buku jawapan yang disediakan.

Soalan 1

Baca petikan berikut dengan teliti dan jawab SEMUA soalan yang mengikutnya. Anda hendaklah menggunakan keupayaan berbahasa sendiri dalam menulis jawapan.

Nilai kemerdekaan

Oleh: Zulkiflee Bakar.

"Sambutan merdeka kali ini suram" - Itulah suara-suara yang sering kita dengar sepanjang bulan ini.

Walaupun hari ini kita menyambut hari kemerdekaan yang ke-51, sambutan bagi mengalukan tanggal bersejarah itu seolah-olah tidak terasa.

Seruan mengibar Jalur Gemilang yang melambangkan kedaulatan sesebuah negara disambut hambar. Tidak begitu ramai pihak yang mahu 'berdiri' di plaza tol untuk mengedor Jalur Gemilang.

Tidak banyak lagi organisasi bersedia 'menghalang' kereta di jalanan untuk melekat jalur keramat itu. Semua ini berlaku kerana kita seolah-olah merasakan tiada apa yang istimewa lagi mengenai 31 Ogos. Apa yang sebahagian besar daripada kita fahami, pada tarikh itu negara merdeka dan ia akan disusuli dengan perarakan di Dataran Merdeka.

Hakikat sebenarnya erti kemerdekaan itu sudah semakin pudar dalam jiwa kita terutama generasi muda.

Bagi mereka, tiada apa-apa yang istimewa mengenainya malah sambutan tahun baru dianggap lebih menarik. Kemerdekaan yang disambut dianggap oleh mereka sebagai salah satu pesta dalam 'kalender kegembiraan' mereka.

Menjelang 31 Ogos, mereka berpeleseran sehingga ke awal pagi, ini kerana pada tafsiran mereka, 31 Ogos hanyalah sekadar 'satu cuti umum' .

Tidak terlintas di hati mereka untuk merenung sejenak betapa peritnya 'kalender kegembiraan' itu hendak diwujudkan oleh pejuang-pejuang tanah air 51 tahun lalu. Mereka tidak merasa keperitan itu dan tidak mahu mempelajarinya, kalau mahu mengetahuinya ia sekadar kerana hendak lulus mata pelajaran Sejarah dalam peperiksaan.

Sikap memandang ringan betapa penting menghayati kemerdekaan ini semakin dirosakkan oleh sesetengah ahli politik yang mengamalkan pendekatan matlamat menghalalkan cara.

Mereka mewujudkan pelbagai teori dan mengatur pelbagai tindakan bagi mencapai cita-cita politik tanpa memikirkan kesan kepada kemerdekaan.

Bagi mereka, soal sama ada negara ini akan dijajah dalam bentuk baru tidak dipedulikan. Apa yang lebih penting ialah merebut kekuasaan politik sebanyak mungkin biarpun terpaksa merobohkan tiang perpaduan antara kaum yang selama ini menjadi tulang belakang sehingga tercetusnya laungan merdeka di Stadium Merdeka pada 31 Ogos 1957.

Mereka sengaja melupakan bagaimana melalui perpaduan dan kestabilan politik antara kaum lain yang memungkinkan benih kemerdekaan itu tumbuh subur sehingga hari ini.

Gelagat ahli-ahli politik ini sudah tentu menambahkan kejumudan generasi muda untuk memahami betapa penting kemerdekaan itu dipertahankan melalui cara, pendekatan dan acuan sendiri.

Generasi muda akan terus leka dengan keseronokan mereka tanpa mempedulikan betapa pentingnya usaha dilakukan bagi mengisi kemerdekaan.

Bekas Perdana Menteri, Tun Dr. Mahathir Mohamad melalui sajaknya bertajuk, Perjuangan Yang Belum Selesai telah menyatakan bahawa: "Tugas kita bukan kecil kerana mengisi kemerdekaan rupanya lebih sukar daripada bermandi keringat dan darah menuntutnya."

Menghayati persoalannya berapa ramaikah antara kita yang menghayati pesanan ini? Sebahagian besar kita terus tenggelam dengan kemajuan yang dicapai. Kita leka dengan apa yang dinikmati kini tanpa mahu mengambil kira bagaimana keseronokan tersebut mampu dikecapi.

Kita lupa bagaimana kemerdekaan harus dituntut dengan keringat, darah dan air mata pejuang-pejuang kemerdekaan. Malah kita juga tanpa sedar seolah-olah melupakan perjuangan perajurit-perajurit tanah air.

Mereka ini bertugas siang dan malam, di laut, udara dan darat bagi memastikan keselamatan negara terjamin. Mereka juga dihantar bertugas di luar negara dan semua ini mampu dilakukan kerana kita adalah sebuah negara yang merdeka dan berdaulat.

Sama ada hendak diakui atau tidak, banyak pihak bersalah dalam soal ini. Penghayatan kemerdekaan tidak dilakukan bersungguh-sungguh. Kita gagal memupuk semangat nasionalisme di kalangan rakyat untuk memahami bahawa kemerdekaan Malaysia yang tercinta ini perlu dipelihara sebaik-baiknya.

(Dipetik daripada Utusan Malaysia 1 September, 2008.)

- (a) Apakah anda bersetuju dengan pandangan penulis bahawa "...Hakikat sebenarnya erti kemerdekaan itu sudah semakin pudar dalam jiwa kita terutama generasi muda."?
- (b) Apakah yang mungkin dimaksudkan oleh penulis apabila beliau mengatakan, "...Sikap memandang ringan betapa penting menghayati kemerdekaan ini semakin dirosakkan oleh sesetengah ahli politik yang mengamalkan pendekatan matlamat menghalalkan cara."?
- (c) Pada pandangan anda, benarkah tugas untuk mengisi kemerdekaan itu lebih berat daripada menuntut kemerdekaan?
- (d) Pada pandangan anda, pihak-pihak manakah yang dimaksudkan oleh penulis bertanggungjawab untuk mendidik generasi muda untuk menghayati erti kemerdekaan?
- (e) Berdasarkan petikan ini, apakah mesej tersirat yang ingin disampaikan oleh penulis kepada kita?

(10 markah)

Soalan 2

Baca petikan berikut dengan teliti kemudian tuliskan ulasan anda terhadap isu yang dibangkitkan dalam tulisan berkenaan. Panjangnya tulisan anda itu hendaklah tidak melebihi 200 patah perkataan sahaja dan tidak kurang daripada seratus lima puluh (150) patah perkataan.

(30 markah)

Kreativiti - Dedahkan anak kepada dunia luar

BANYAK perkara yang boleh dilakukan oleh ibu bapa bagi memupuk kreativiti dan minat belajar dalam diri anak-anak mereka. Bagaimanapun, ibu bapa tidak mempunyai pilihan selain membiarkan anak mendedahkan diri kepada dunia luar yang lebih luas untuk belajar melindungi diri mereka sendiri.

Bermula daripada diasuh oleh pembantu rumah dan nenek mereka, kemudian ke pusat penjagaan kanak-kanak atau ke tadika, sekolah dan universiti, ibu bapa perlu mengakui bahawa mereka tidak berupaya mengawasi setiap inci perkembangan anak-anak mereka.

Mereka tidak berupaya untuk menyediakan segala-galanya, mahu atau tidak mereka perlu menyerahkan proses mengajar dan membimbing anak-anak kepada orang lain.

Ini merupakan hakikat yang sukar diterima bagi mereka yang baru bergelar ibu bapa atau yang begitu bersemangat untuk menjadi pelindung dan pembimbing kepada anak-anak.

Mencurahkan banyak masa dan usaha bagi memastikan persekitaran yang membolehkan anak-anak meluah perasaan, berimajinasi dan belajar secara semula jadi di dalam lingkungan keluarga, jadi adalah munasabah bagi ibu bapa untuk berasa bimbang mengenai bagaimana anak-anak menjalani kehidupan dalam sistem yang lebih luas.

Bagaimakah cara rakyat Malaysia mengukur sesuatu persekitaran itu sesuai untuk membesarakan anak? Dari segi bahasa perantara kita mungkin mempunyai banyak pilihan, tetapi terdapat banyak perdebatan dan kebimbangan mengenai suasana yang mengongkong dalam sistem persekolahan awam.

Menyedari anak-anak kita akan mencapai tahap kematangan dalam era globalisasi, ia turut menyebabkan ramai ibu bapa berasa bimbang mengenai pendedahan mencukupi bagi bahasa Inggeris.

Ibu bapa juga perlu membuat keputusan yang sukar apabila memilih sekolah; perlukan mereka mencari sekolah yang mengutamakan keputusan akademik (bagi membina IQ) atau sekolah yang mempunyai rangkaian aktiviti kurikulum yang baik (bagi membina EQ).

Kebanyakan kita membimbing atau memandu arah masa depan anak-anak kepada lima bidang kerjaya: Perubatan, Undang-undang, Akauntan dan Arkitek.

Anak-anak akan diberitahu bahawa bidang kerjaya tersebut sepatutnya menjamin masa depan yang baik. Tetapi berapa banyak daripada apa yang kita lakukan setiap hari dalam hidup kita pelajari di sekolah? Kerap kali, kita diberitahu agar berdikari dan berusaha untuk kepentingan dan kehendak kita. Adakah kita mahu menurunkan perkara ini kepada anak-anak kita? Apa yang ada dalam konteks sekarang bagi membantu anak-anak kita membesar dengan baik dan mempunyai fokus yang munasabah terhadap pembangunan menyeluruh individu?

Hari ini, di era 2002, ibu bapa di Malaysia bertuah kerana mempunyai banyak pilihan. Terdapat beratus-ratus tadika dan pusat pembelajaran bagi kanak-kanak di seluruh negara yang dikendalikan dengan berteraskan falsafah pro-aktif bagi memupuk kreativiti dalam diri kanak-kanak.

Pelajaran muzik untuk kanak-kanak seawal usia tiga tahun boleh diperoleh di Yamaha Muzik. Bahkan, Allegro Muzik di Ampang Point mengendalikan pelajaran muzik untuk kumpulan kanak-kanak berusia 1 hingga 3 tahun, di mana yang paling kecil bermain piano dan biola mini.

Pemilik Allegro menegaskan bahawa tiada usia terlalu muda untuk kanak-kanak belajar menghargai muzik dan menyifatkan kelasnya sebagai pendedahan awal muzik bukannya kelas muzik.

Kanak-kanak tidak dipaksa untuk berlatih, atau mengingati teori atau menjalani peperiksaan, namun Allegro masih mampu melahirkan ramai graduan muzik muda belasan tahun yang melepas Gred Lapan.

Kindermusik di Institut Muzik Selangor percaya bahawa program muzik mereka menggalakkan perkembangan kognitif, fizikal, sosial, emosi dan bahasa; mereka mempunyai kelas untuk kanak-kanak baru lahir hingga kepada usia 7 tahun.

Anak-anak kita akan menjadi dewasa dalam dunia di mana setiap individu berpendidikan dan berpengetahuan, tetapi bukan saja dalam bidang kerjaya, bahkan idea, sosial dan komunikasi. - Artikel dibawakan oleh Walls.

Soalan 2

Baca petikan dengan teliti. Pelajar dikehendaki membaiki kesalahan-kesalahan yang terdapat pada petikan yang diberi. Terdapat 20 kesalahan bahasa yang mesti diperbetulkan

(20 markah)

Jadikan amalan menderma organ seperti menderma darah

Oleh ZIN MAHMUD (WARTAWAN UTUSAN)

BENAR seperti kata Ketua Penyelaras Pusat Sumber Pemindahan Organ Kebangsaan (NRTC) Hospital Kuala Lumpur, Dr. Lela Yasmin Mansor bahawa orang ramai tidak selesa membincangkan isu yang melibatkan kematian, justeru menimbulkan salah faham mengenai pendermaan organ.

Maka kesannya orang ramai takut hendak menderma ginjal hingga menyebabkan banyak pesakit buah pinggang tidak dapat diselamatkan.

Tetapi bayangkan senario di sebaliknya. Jika orang ramai selesa untuk membincangkan tentang kematian secara terbuka, maka kefahaman mengenai pendermaan organ akan lebih meluas dan mendalam. Akibatnya pula, orang ramai akan lebih bersedia untuk menderma organ khususnya ginjal mereka.

Hasilnya, lebih banyak pesakit buah pinggang akan terselamat dan dapat menyambung hidup lebih lama lagi. Walaupun sememangnya di akhirnya, manusia akan semuanya mati.

Kemampuan manusia memindahkan ginjal ke pesakit buah pinggang dan selanjutnya menyelamatkan nyawa merupakan hasil dari penemuan dan pemahaman dalam bidang sains perubatan dan teknologi.

Sebelum munculnya kepandaian ini, pesakit buah pinggang tidak mempunyai pilihan lain untuk selamat dan terpaksa menerima kematian akibat penyakit itu.

Tetapi sebelum munculnya sains perubatan dan teknologi, manusia sudah lama mengenal agama. Selamat untuk dinyatakan bahawa sejak wujudnya manusia, maka agama sudah bersama mereka, walaupun dalam apa jua bentuk, primitif ataupun berfalsafah.

Begitu juga dengan kematian. Sejak muncul manusia, pastinya mereka sedar tentang kematian. Misteri kematian cuba dijelaskan dalam pelbagai cara, sama ada mitos atau legenda, tetapi akhirnya agama yang menjelaskan mengenai kematian dengan selesa.

Malah kematian dan pemahaman agama adalah sehubungan. Tidak keterlaluan untuk menyatakan yang agama wujud untuk menjelaskan kematian.

Apa saja ajaran agama mengenai kehidupan adalah akhirnya untuk menempatkan kedudukan manusia semasa kematianya.

Maka Islam juga membincangkan mengenai kematian secara luas dan mendalam. Kematian sudah tidak menjadi misteri dalam Islam. Ia dijelaskan hingga menyebabkan isu kematian selesa untuk dibincangkan dan difahami.

Mengenai pemindahan dan pendermaan organ, Institut Kefahaman Islam Malaysia (IKIM) telah banyak membincangkan perkara ini dan menggalakan umat Islam menderma organ.

Langkah menderma organ bukan saja dibolehkan tetapi juga digalakan sebagai suatu amalan kebijakan yang mendatangkan pahala kepada pendermanya.

Dalam perbincangan di kalangan ahli-ahli agama atau golongan terpelajar, pada hemat saya, ia dilakukan dengan selesa dan umumnya orang Islam dapat menerima tentang kebaikan dan keperluan menderma organ.

Teredah

Ketidakselesaan timbul apabila sampai kepada hendak melakukannya di kalangan orang ramai yang sudah tentu tidak banyak terdedah kepada perbincangan mengenainya.

Ada pihak mencadangkan supaya ceramah-ceramah dan khutbah menghebahkan mesej pendermaan organ ke tengah-tengah masyarakat supaya orang ramai akhirnya dapat menerima hakikat ini dan lebih penting lagi bertindak untuk menderma organ.

Tetapi saya percaya perbincangan, ceramah dan khutbah tidak mencukupi dan kurang berkesan. Langkah menderma organ memerlukan contoh praktikal dan lebih ketara lagi ialah keperluan satu gerakan menggalakkan pendermaan organ.

Cuba lihat bagaimana program derma darah. Di satu segi, gerakan kesedaran bagi menderma darah sudah mencapai kejayaan dengan orang ramai tidak berasa bermasalah untuk menderma darah.

Pada awalnya, galakan bagi menderma darah juga sukar untuk mencapai kejayaan. Tetapi setelah bertahun-tahun gerakan ini berjalan, maka akhirnya ia mencapai keadaan yang ada sekarang.

Itupun pada masa-masa tertentu, di sesetengah kalangan, derma darah ini turut menjadi satu fobia. Apatah lagi dengan menderma organ yang melibatkan soal kematian dan jenazah.

Kalau dulu dengan darah ditimbulkan soal darah bercampur. Sama ada haram atau halal. Kalau makanan dianggap jadi darah daging, maka dibimbangi pencampuran darah. Tetapi kini sains menunjukkan bahawa darah hanyalah sel-sel merah dan putih yang boleh dicampur serta tidak berkaitan dengan soal etika.

Kebaikan terletak pada menyelamatkan manusia. Soal makanan haram dan halal adalah bersifat agama dan etika, ia tidak berkait dengan percampuran darah.

(20 Markah)

KERTAS SOALAN TAMAT